

'HEL'

Die "HEL"

Die min besproke onderwerp uit predikers se kant, maar tog so baie uit die algemene se mond. Daar is baie wat oorslim is op die onderwerp en ander wat gladnie daaroor wil praat nie. Kom ons doen 'n ligtelike ondersoek oor die onderwerp sodat die wat dit ligtelik opvat 'n tweede gedagte kan hê.

Kom ons begin by Sheol wat 65 keer gebruik word in die ou Verbond. Dit is 'n Hebreeuse woord en beteken: Graf, put of 'plek van die dood'. Sheol se beginpunt is die graf na die onderwêreld. Met die afsterwe van 'n Adamiet gaan hy dadelik in afsondering in. Party gaan na 'n donker saal (daar is twee donker sale waar geen water in is nie; waarvan die wande / mure glad en glibberig is) en ander na 'n saal wat verlig is (die saal is vol lig met lopende drink water). Sheol is die begin van 'n ander demensie waarvan die gees (asem) nie eens toegang het nie. (Slaan gerus na: Gen.37:35; 42:38; 44:29,31; Num.16:30,33; Deut.32:22; 1 Sam.2:6; 2 Sam.22:6; 1 Kon.2:6; Job.7:9; 11:8; 14:13; 17:13,16; 21:13; 24:19; 26:96; Ps.6:5; 9:17; 16:10; 18:5; 30:3; 31:17; 49:14,15; 55:15; 86:13; 88:3,11; 89:48; 116:3; 139:8; 141:7; Spr.1:12; 5:5; 7:27; 9:18; 15:11,24; 23:14; 27:20; 30:16; Pred.9:10; Hoog.8:6; Jes.5:14; 7:11; 14:9,11,15; 28:15,18; 38:10,18; 57:9; Eseg.31:16,17; 32:21,27; Hos.13:14; Amos.9:2; Jona.2:2; Hab.2:5)

Net in kort oor die demensies. Met geboorte ontvang ons liggaam die lewende asem (gees) waarvan dit die begin van demensies is. Die siel begin in die bloed van 'n moeder (vanaf YHUUH) waarvan lewe dieselfde tyd as die siel begin. Die dag van geboorte (wat lewe beteken) wil ek 'n kritieke vase noem, want dit is die eerste demensie waar satan woon en waarvan hy dit dadelik wil stop sodat daardie 'lewe' oor moet gaan na Sheol. Onomkeerbaar is lewe die dag as dit begin binne in 'n moeder. (daarom is YHUUH so streng oor hoerery) Daardie siel wat 'lewe' ontvang het, in 'n sel vorm, binne in 'n moeder wat oor sal gaan na die volgende vase waar dit lug (gees) gaan in asem. Terwyl daardie nuwe lewe groei op aarde word dit voortdurend aangeval en so ook beskerm. Die dag toe lewe begin was die siel teenswoordig waarvan lewe 'n hupstoot gekry het die dag toe asem in ingetree het. Die asem in die Adamiet is nie die asem wat ander lewende wesens het nie, want daar is krag in die Adamiet se asem (Mal.2:10-15). Om terug te kom na demensies; die lewe wat begin het bo leef in en op ander demensies. Dit lewe in die geestelike realm waar engele woon en op die aarde waar die Sheol woon. Beide die realms (demensies) sal daar nog wees (onder andere waar VADER self woon) waarvan die Adamiet dit nie mag betree nie.

Tweedens 'Hades' wat 'n Griekse woord is en wat meer as een betekenis het nl: graf, put of "plek van die dood" word ook gebruik om die hel uit te wys. Matt.11:23; 16:18; Luk.10:15; 16:23; Hand.2:27; 2:31; Open.1:18; 5:3,13; 6:8; 20:13,14 wys die plek van die dood uit en Matt.5:22,29,30; 10:28; 18:9; 23:15,33; Mark.9:43,45,47; Luk.12:5; Jak.3:6 wys ons die Hel uit.

Ons gaan nou oor na die 'Hel' scenario. Die naam 'Hel' kom uit 'n diep smal kloof suid van Jerusalem waar sommige Hebreeuse ouers hul kinders gaan offer het aan die god van die Ammoniet, Molech, wat gedurende die konings tydperk was (1 Kon 11:5,7,33; 2 Kon.16; 2 Kron 28:1-3; Lev.18:21). Hierdie heidense god is ook verwys na as Malkam, Milkom, en Moloch in die Bybel. Hierdie vallei het later gedien as die stad se asgat (vuilgoedhoop) omdat daar voortdurend vullis gebrand word, wat dit ook 'n grafiese simbool van straf vir die bose was. Dit is ook aangewys as die "Vallei van Hinnom", wat in Grieks vertaal word 'Hel'

Hel is in der waarheid die plek van pyniging waar die poel van vuur nie uitgeblus kan word nie. Die Hel is oorspronklik deur YHUUH geskep vir die bose geeste (engele wat in rebellie gegaan het) en demone (engele kinders). Vir ons as Adamiete het YHUUH wette daar gestel en ons gewaarsku dat dit onderhou moet word; Indien nie, sal die wetsoortreder (Adamiet) en ander wesens (volkere) wat teen die Adamiet oortree ook na die hel gaan.

Nou kom ons by die mispersepsies van baie skrywers.

Hulle wys altyd die hel uit as reeds werkend waar baie reeds brand of gemartel word deur demone. Oral sien jy net verskeurde liggamme en pyn wat die misvormde figure die mens toedien, maar die teenoorgestelde lees ek in die Skrif. As ons die volgende Skrif verse bestudeer sal jy sien dat niemand in die hel is nie. Hoekom sê ek so? In Matt. 8:12; 13:42; 22:13; 25:30 staan dat die ongehoorsame uitgedryf word na die "buitenste duisternis", nie na die dieptes van die aarde nie, maar buitenste duisternis!

Die aarde wat deel uitmaak van baie ander planeet en sterre hang in die duisternis. Elk van hulle hang of beweeg op YHUUH se bevel in daardie kring wat VADER vir YHUUH afgetrek het in die buitenste duisternis (Job. 26:10; Spr. 8:27). Dus as YAHUSHA praat van 'buitenste duisternis' praat Hy van buite die aarde se atmosfeer. Ek glo dat YHUUH reeds die 'hel' geskep het en dat dit reeds gereed is om die werk te doen waarvoor Hy dit geskep het. Ek glo ook dat die hel sekerlik (wat lyk soos 'n ster/son) op die verste hoek van YHUUH se skepping sal wees sodat dit vergete en verlore moet wees. Omrede dit weg is van die aarde en op die verste hoek van die heelal kan niemand (veral van die aarde) al daarin wees nie.

Die engele wat YHUUH se Wette oortree het is vas gebind in Shoel en satan is beperk op aarde saam met sy demone. Almal van hulle is afwagting vir die oordeelsdag (Open. 19:20; 21:8) waar vuur is, en die geknars van die tande sal wees.

Nou kan ons verder gaan om te sê dat die hel 'n planeet is wat skitter soos 'n ster in die verste punt van duisternis. Daar is reeds wesens op die hel planeet wat hom oppas en gereedstaan vir wanneer YHUUH die veroordeeldes soontoe gaan werp. Die wesens wat daarop is, is slegs wagte wat die poorte gaan oppas. Hulle is nie daar om die veroordeeldes te pynig nie! Die planeet (Hel) self is die pyniging. Open. 20:11-15

Baie maak die hel 'n vermaaklikheid speelveld. Dit is asof hulle deel wil wees van die pynigers. Hulle besef nie dat alles wat YHUUH geskep het wel perfek is nie! Skilder nou vir jouself 'n prent in die fantasie wêreld van die spotters die volgende; as daar nou demone of enige bese wese in die hel moet wees is dit 100% verkeerd. Hoekom sal YHUUH iets of iemand gebruik wat (elk geval) 'n ewige dood moet sterf. Daar staan tog duidelik in die Skrif 'dat die wurm nie sal sterf en die vuur nie uitgeblus word nie (Mark. 9:43 – 48; Jes. 66:24). Dus wurms en vuur en nie demone nie!

Dit wat ons sien in skilderye regoor die wêreld waar die demone hulself geniet om die veroordeeldes te straf, is heeltemal verkeerd. Bo het ek uitgewys dat 'hel' nie op die aarde is nie, hoe kan demone alreeds daar wees? Hulle en die gevalle engele wat wagtend is op die oordeel en daarna die helse poel van vuur?! In 2 Pet. 2:4 staan: *Want as YHUUH die engele wat gesondig (wetsoortreders) het, nie gespaar het nie, maar hulle in die hel (G 5020: Tartarus wat Hades is. 'Plek van die dood') gewerp en aan kettings van duisternis oorgegee het, om vir die oordeel in bewaring gehou te word; Soos die demone in Mark. 5:6 En toe hy YAHUSHA van ver af sien, hardloop hy en val voor Hom neer :7 en skreeu met 'n groot stem en sê: Wat het ek met U te doen, YAHUSHA, Seun van die allerhoogste VADER? Ek besweer U by VADER om my nie te pynig nie. Mat 8:29 En meteens skreeu hulle en sê: Wat het ons met U te doen, YAHUSHA, Seun van VADER? Het U hier gekom om ons voor die tyd te pynig?*

Ek sluit met die woorde van Open. 20:10 *En die duiwel wat hulle verlei het, is in die poel van vuur en swawel gewerp waar die dier en die valse profeet is; en hulle sal dag en nag gepynig word tot in alle ewigheid.*

Bedink dit!!